

中國方志叢書・華中地方・第五七三號

據

宋・張津等撰
清咸豐四年刊本

影印

浙江省

乾道四明圖經

SK22 / 12

成文出版社有限公司印行



10097699

中華民國七十二年三月臺一版

乾道四明圖經

全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

乾道四明
圖經

鄞陸廷敬題



咸豐甲寅歲角上

煙嶼樓徐氏開雕



校刻宋元四明志序

地理之書昉於禹貢土訓誦訓所掌其遺法也秦變封建亦有圖籍鄭侯入關得以收之然郡縣專志兩漢四百年未有聞焉六朝以來若顧啟期之婁地記山謙之吳興記雷次宗之豫章記鄭緝之之東陽記朱育賀循之會稽記殆郡縣志之權輿乎顧其書皆不傳其傳者自北宋始真宗景德中詔諸路州府軍監校勘圖經編入古跡而上諸朝天下守長咸事編纂吾四明亦以其時始有專書舒信道西湖引水記常引之咸平中蘇其時始有專書舒信道西湖引水記常引之咸平中蘇其時始有專書舒信道西湖引水記常引之咸平中蘇

董序

一

近人它山圖經引唐鄭縣圖經一條此偽造以欺人者不足信厥後李從事再修於大觀初即為張州將乾道圖經之祖本羅參軍之寶慶志猶其後也近今所傳以乾道為最古而北宋二志不得與朱長文吳郡續記並置於天壤間亦可惜已吳履齋出判慶元其屬僚紀其政績為開慶續志傳一人之事而冒一郡之名論者以為非體元則清容之志最有盛名至正中王甯軒續之門類皆仍舊例其書出遂初之手固延祐中同修者此宋元四明志之大凡也於時屬縣鄞奉並有專志而今亦散亡惟大德昌國志幸有傳本我

本我

朝開四庫館宋元郡縣志著錄僅二十家吾郡實居其四乾道至正猶未收入蓋當時無人採進也一邦之書甲於天下文獻所徵良可寶矣往者謝山全氏有宋槧寶慶開慶二志後入趙谷林家今不知流落何所鄞之抱經樓尚有開慶宋本此外宋元志諸家所藏並係傳鈔魯魚壺矢譌謬相踵從未有彙而刻之者同叔徐先生宏雅好古雷意桑梓乃發舊藏及借閱諸鈔本校正脫誤付之手民塗乙之故具於別錄為札記二十卷補遺二卷又纂佚文四卷作者傳一卷雜錄一卷餘考一卷均署曰校勘記神明煥發頓還舊觀然後四明五志

董序

一

泊大德昌國一編俱足為藏家善本非特吾郡不可少之書也魏吉州它山備覽雖係一隅水利而亦宋人舊帙并附刊焉剗削告成度板廿載兩遭劫火幸無缺佚比先生修鄞志復丐他本命同事校之將益整次以成完書而先生遽歿復束高閣矣光緒戊寅郡守宗公有事圖志而聞徐氏之書尚祕篋笥乃出俸金屬先生嗣子隆壽印行之隆壽請於陳徵君子相合前後各校之本重為補綴傳之於世原有校勘記自佚文以下仍附本書惟札記多未定之說先生欲改而未是正者今姑闕焉自明以降郡縣圖志靡國不舉然頗有蕪穢凌亂

闕焉自明以降郡縣圖志靡國不舉然頗有蕪穢凌亂

之作古法蕩然惟宋元兩朝猶存唐以前謹嚴之意即以浙中論之嘉定之赤城志景定之嚴州志至元之嘉禾志乾道咸淳之臨安志嘉泰寶慶之會稽志以及高氏刻錄常氏漱水志諸書皆嘗覽其大略簡而有法繁而不支與吾郡六家實相伯仲足以示後來地學之準而吾郡藉徐先生之力俾此六家之書粲然復行洵有功於文獻者也余在鄉里與先生商推是書蓋亦有年今服官江右聞是書將已傳布引領東望實獲我心隆壽書來屬序其始末乃備述原委以弁之簡端

光緒五年閏三月郵董沛序

董序

三

煙嶼樓校本

宋元四明六志卷首

欽定四庫全書總目

地理類都會郡縣之屬

寶慶四明志二十一卷開慶續志十二卷

兩淮鹽政採進本

朱羅濬撰濬廬陵人官贛州錄事參軍文獻通考作羅濬蓋傳寫誤也先是乾道中知明州張津始纂輯四明圖經而搜採未備寶慶三年煥章閣學士通議大夫知慶元府兼沿海制置使廬陵胡榘復命校官方萬里因圖經舊本重加增訂如唐刺史韓察之移州城唐及五代郡守姓名多據碑刻史傳補入其事未竟會萬里赴調中輟濬與榘同里適遊四明遂屬之編定凡一百五十日而成書前十一卷爲郡志分敘郡敘山敘水敘產敘賦敘兵敘人敘祠敘遺九門各門又分立四十六子目第十二卷以下則爲鄞奉化慈谿定海昌國象山各縣志每縣俱自爲門目不與郡志相混蓋當時明州雖建府號而不置倚郭之縣州故與縣各領疆土如今直隸州之體特與他郡不同也宋史藝文志僅有張津圖經十二卷及四明風俗賦一卷不載是書惟陳振孫書錄解題載之其卷數與此

六志首

一

煙嶼樓校本

本相合蓋猶從朱槩鈔存者志中所列職官科第
名姓及他事蹟或下及咸淳距寶慶三十四年蓋
後人己有所增益非盡羅濬之舊然但逐條綴附
而體例未更故敘述謹嚴不失古法元袁桷延祐
四明志亦據爲藍本多採用焉續志十二卷則開
慶元年慶元府學教授梅應發添差通判鎮江府
劉錫所撰其分子目三十有七其自序稱續志之
作所以志大使丞相履齋先生吳公三年治鄞之
政績其已作而述者不復志故所述多吳潛在官
事實而山川疆域已詳於舊志者則概未之及是

六志首

二

應麟樓校本

因一人而別修一郡之志名爲輿圖實則家傳於
著作之體殊乖然案宋史吳潛傳載潛以右丞相
罷爲觀文殿大學士尋授沿海制置大使判慶元
府至官條具軍民久遠之計告於政府奏皆行之
又積錢百十七萬三千八百有奇代民輪帛前後
所蠲五百四十九萬一千七百有奇是潛蒞鄞以
後宦績頗有可觀二人所述尙不盡出於諛頌至
潛所著文集世久無傳後人掇拾叢殘編爲遺藁
亦殊傷闕略此志載潛吟藁二卷其古今體詩二
百九首詩餘二卷其詞一百二十首皆世所未觀

雖其詞不必盡工而名臣著作藉以獲存固亦足
資援據故今仍與羅濬書並錄存焉

大德昌國州圖志七卷

浙江范懋柱家天一閣藏本

元馮復京郭薦等同撰復京潼川人官昌國州判
官薦里貫未詳官鄞縣教諭昌國州卽今定海縣
宋熙寧六年置昌國縣元至元十五年始升爲州
此書成於大德二年七月凡分八門曰敘州曰敘
賦曰敘山曰敘水曰敘物產曰敘官曰敘人曰敘
祠前有州官請耆儒修志牒一篇末有郭薦等繳
申文牒一篇冠以復京序據序中所述始末蓋復

六志首

三

應麟樓校本

京求得舊志屬薦等訂輯而復京爲之審定者也
其大旨在於刊削浮詞故其書簡而有要不在康
海武功志韓邦靖朝邑志下海書邦靖書爲作者
盛推而此書不甚稱於世殆年代稍遠鈔本稀傳
歟據原目所載卷首當有環山環海及普陀山三
圖圖志之名實由於是此本有錄無書蓋傳寫者
佚之矣

延祐四明志十七卷

浙江巡撫採進本

元袁桷撰桷字伯長慶元人宋知樞密院事詔之
曾孫少爲麗澤書院山長以薦改翰林國史院檢

閩官累遷侍講學士卒贈江浙行省參知政事追封陳畱郡公諡文清事蹟具元史本傳
梅文章博瞻爲一時臺閣之冠所著易說春秋說諸書見於蘇天爵墓誌銘者世久無傳惟清容居士集及此志尙存書成於延祐七年蓋慶元路總管馬澤屬梅撰次者也凡分十二考曰沿革曰土風曰職官曰人物曰山川曰城邑曰河渠曰賦役曰學校曰祠祀曰釋道曰集古條例簡明最有體要梅先世在宋多以文學知名稱東南故家遺獻沒後會朝廷修史遣使求郡國軼文故事惟袁氏所傳爲多

六志首

四

煙嶼樓校本

地理類河渠之屬

四明它山水利備覽二卷

浙江吳玉堦家藏本

宋魏峴撰峴鄞縣人官朝奉郎提舉福建路市舶鄞故有它山一水其始大溪與江通流鹹潮銜接耕者弗利唐大和七年邑令王元暉始築堰以捍

江潮於是溪流灌注城邑而鄞西七鄉之田皆蒙其利歲久廢壞宋嘉定間峴言於府請重修且董興作之役因爲是書記之上卷雜志源流規制及修造始末下卷則皆碑記與題咏詩也案新唐書地理志載明州鄞縣案鄞縣在唐爲鄞縣南二里有小江湖溉田八百頃開元中令王元緯置東二十五里有西湖溉田五百頃天寶二年令陸南金開廣之今此編稱它山水入於南門瀦爲日月二湖其日湖卽小江湖月湖卽西湖謂二湖皆王元暉所浚而不言有天寶之陸南金似有闕略至其以元緯爲元暉以開元中爲大和七年則此編所載諸碑記及唐僧元亮詩證佐顯然足以糾正唐志之謬不得以與史異文爲疑矣此書在地志之中頗爲近古宋四明郡志嘗採其說然傳本頗稀幾於泯沒而無可考明崇禎辛巳郡人陳朝輔始得舊帙梓行版亦散佚首有峴及朝輔二序而末以四明志序附焉蓋卽從陳本錄出者也

六志首

五

煙嶼樓校本

欽定四庫全書簡明目錄

地理類都會郡縣之屬

寶慶四明志二十一卷開慶續志十二卷

四明志宋羅濬撰續志宋梅應發劉錫同撰四明志前十一卷爲郡志後十卷爲所屬六縣志蓋明州雖建府而無附郭之縣仍領疆土故也敘次頗不失古法續志名爲郡志實則錄吳潛一人之事述詩詞殊乖體例以潛爲名臣姑竝存焉

大德昌國州圖志七卷

元馮復京郭薦等同撰原本首有三圖故曰圖志今圖佚而志存分爲八門其大旨在剪削浮詞故簡而能括不在韓邦靖康海等所撰下也

延祐四明志十七卷

六志首

六

煙嶼樓校本

元袁桷撰分十二門義例謹嚴最有體要原本二十卷今第九卷第十卷第十一卷竝佚

地理類河渠之屬

四明它山水利備覽二卷

宋魏峴撰它山水在鄞縣灌漑七鄉惟患爲江湖所汨唐時築堰以捍潮遂爲永利歲久廢壞峴請於府重修因作是書上卷記源流規制及修築始末下卷爲碑記與題詠

謹案乾隆朝

詔編四庫全書宋元郡縣志著錄於

文淵閣者二十種四明得四種宋乾道之圖經元至

正之續志尙以傳本稀少未獲進

呈而一郡之書已居海內什分之二矣考其源流大德

爲范氏家藏延祐由浙撫探進卽寶慶開慶

之獻自兩淮鹽政者亦揚州馬氏從鄞全氏

傳鈔之本蓋吾鄉先哲並多留心粉社掌故

故文獻足徵如此今彙刻宋元六志附以水

利備覽恭錄

欽定四庫提要

欽定簡明目錄弁冕卷端以爲此邦榮耀焉至提要寶慶

六志首

七

煙嶼樓校本

條謂鄞縣非倚郭大德條稱州判名復京備覽條述魏峴官但云提舉市舶則皆當時儒臣偶然失考已詳本志與校勘記中不復覈

續

宋元四明六志卷首

四明圖經序

山海有經輿地有圖郡邑有圖經此古今所共由而一日所不可闕者也蓋天下之阨塞戶口之多寡不有載籍以著其所以然則所謂阨塞多寡者雖欲具知而不可得此博古之士所以勒成一書以昭後世而傳無窮也爰自大觀元年朝廷創置九域圖志局命所在州郡編纂圖經於是明委郡從事李茂誠等撰述故里之遠近戶口之主客與夫物產之異宜貢賦之所出上而至於人物古跡釋氏道流下而至於山林江湖橋梁坊陌微而至於羽毛鱗介花果蔬藥茗器用之類靡不畢備書成未幾而不幸厄於兵火遂致存者亡全者毀前日之所成者泯然而不見制置直閣張公治明之二年政成民和郡以無事乃登黃堂而歎曰明之爲郡亦久矣在古爲餘姚之墟在漢爲會稽之境逮唐武德中而卽鄞置縣開元中而卽縣爲州山有四明祠有梨洲有孫興公見之於賦有梅仙虞喜之所廬有任李董黯之人物有王密房琯之德政有建隆郡守康憲錢公億之墓有熙寧宰相荆國王文公之祠其他山川勝槩章章在人耳目者未易以縷舉而圖經則闕焉詎可不搜訪遺亡以補四明之故事也哉公乃分委僚屬因得舊

乾道序

一
煙輿樓校本

錄更加採摭纂爲七卷又以篇什碑記等爲五卷附於其末噫年厯四十餘守更數十政其間非無銳意立事欲作爲一書垂之永遠者或因循未暇今公啟是念於黃堂之上財六旬而篇帙粲然大備鳩工刊木昭示將來信乎天下事非立志堅而用意到疇能有成哉乾道五年四月初一日右修職郎新處州縉雲縣主簿主管學事三山黃鼎序

乾道序

二
煙輿樓校本

四明圖經目錄

卷一

總敘

分野

風俗

城池

子城

祠廟

水利

古跡州城內

賢守事實

卷二

鄞縣

鄉里附村

御書

橋梁

乾道目

煙嶼樓校本

渠堰

祠廟附祠堂

山

水江湖河潭附我日河潭關

人物附名僧

古跡

冢墓

縣宰題名

卷三

奉化縣

賢宰

人物

卷四

定海縣

卷五

慈溪縣

賢宰

人物

逸民

冢墓

卷六

象山縣

祠廟

山

卷七

昌國縣

鹽場

祠廟

山

水湖潭井

古跡

乾道目

二

煙嶼樓校本

卷八

古賦

古詩

律詩

絕句

長短句

卷九

記

卷十

記

卷十一

碑文

銘

贊

傳

書

卷十二

太守題名記

進士題名記

乾道目

三

煙嶼樓校本

四明圖經目錄

四明圖經卷一

宋元四明
六志第一

宋 張 津 等 撰

總敘

上明州奉化郡奉國軍節度治鄞縣本屬會稽古舜居後

為餘姚之墟初夏禹會諸侯於江南執玉帛者萬國上

苗山大會計爵有德封有功因而更名苗山曰會稽周

禮東南曰揚州又曰揚州之鎮山曰會稽明乃會稽之

東境自勾踐滅吳稱霸其後越為楚所滅子孫散於會

稽甌閩之間分有故越之地秦并百粵罷侯置守分天

下為三十六郡曰會稽龜者兼吳越而通稱也漢興封

乾道一

一
經緯樓校本

劉賈為荆王賈為英布所殺遂以劉濞為吳王景帝四

年濞反誅國除乃復為郡治於吳又嘗封閩越王之子

搖為東甌王元鼎五年東甌國除因以其地并屬會稽

而立東部都尉治鄞其後徙章安章安今奉化之南也

成帝陽朔元年又徙治鄞或有寇盜又徙句章王莽改

鄞為謹順帝永建四年劉府君上書浙江之北為吳郡

其會稽郡領山陰會稽鄞烏傷諸暨太末上虞剡餘姚

句章鄞章安永寧東侯官十四縣吳郡會稽於是始分

而鄞鄞句章三縣皆會稽之東部即今明之地也故自

兩漢而明越皆為會稽郡魏晉以來農有變更隨平陳

廢鄞以地隸吳州總管府高祖武德四年始析句章縣

為鄞州八年廢鄞州為鄞縣隸越州明皇開元二十六

年採訪使齊澣始復奏請為州以境內有四明山故號

州為明而郡名奉化屬浙東觀察使首命秦舜昌為刺

史天寶元年改為餘姚郡肅宗乾元元年秋七月復為

明州仍兼浙東觀察使舊治鄞縣今阿育王山之西鄞

山之東城郭遺址猶存代宗大厯六年三月海寇袁晁

作亂於翁山而鄞久弗能復乃移治鄞東取鄞城則

三十里領縣五日鄞曰奉化曰慈溪曰象山象山本屬台州神龍

元年始日翁山是年翁山縣廢穆宗長慶元年浙東觀

乾道一

二
經緯樓校本

察使薛戎上書明州北臨鄞江地形卑隘請移郡於鄞

縣置其元郡城近南高處卻安縣從之而移否莫得而

知昭宗乾寧二年錢鏐為鎮東軍節度使五代朱梁嘗

為望海軍開平三年分鄞縣置定海縣厥後錢元瓘自

號為吳越王據有兩浙十三州之地漢乾祐二年吳越

王錢俶命其弟億判四明聖宋受命建隆二年陞為奉

國軍復授億節鉞以鎮之億為節度十有八年至乾德

五年終於任猶子惟治實襲其後太平興國二年吳越

王納土歸國籍十有三州而明居其一朝廷改授惟治

鎮國軍節度使自是始用文臣為太守熙寧六年奉勅

割鄞縣之邊海富都等三鄉析立昌國縣元豐元年又撥定海縣金塘一鄉隸昌國故今縣有六鄞奉化定海慈溪象山昌國六縣風土物產古今人物寺觀祠宇亭傳場鎮江湖河堰地靈古跡隨縣開列於後以傳不朽

分野

按後漢志自斗六度至須女四度謂之星紀之次越之分野故虞翻曰會稽上應牽牛之宿下當少陽之位東漸巨海西通五湖南暢無垠北渚浙江明之爲州實越之東部觀輿地圖則僻在一隅雖非都會乃海道輻湊之地故南則閩廣東則倭人北則高句麗商船往來物貨豐衍東出定海有蛟門虎蹲天設之險亦東南之要會也

風俗

按隋書江南之俗火耕水耨食魚與稻以漁獵爲業雖無蓄積之資然亦無飢餒之患信鬼神好淫祀小人多商販君子資官祿市廛列肆埒於二京人雜五方故俗頗相類京口東通天會南接江湖西連都邑亦一都會也其人本習戰號爲天下精兵俗以五月五日爲鬪力之戲各料強弱相敵事類講武會稽郡亦然川澤沃衍有海陸之饒珍異所聚故蕃漢商賈並

乾道一

三

煙嶼樓校本

湊君子尙禮庸庶敦龐故風俗澄清而道教隆洽蓋其風氣所尙也

城池

明之羅城舊云閩粵無諸所築夏侯曾先謂劉牢之築以塞三江之口西城外有城基上生竹篠俗曰篠牆卽故基也今羅城周圍二千五百二十七丈計一十八里西與南則環以水東與北則繞以江晉末孫恩海寇也其犯會稽則由上虞以入不由乎明州者亦以此城據三江之險云

子城

乾道一

四

煙嶼樓校本

子城周圍四百二十丈環以水麗譙揭奉國軍之額太守潘良貴書州樓揭明州之額舊錢氏書今潘良貴書州治以奉化縣之金峨山爲外案山而以城中之鎮明嶺爲內案山後坐慈溪縣之驛騎山山以張驃騎而得名蓋後漢時人也奉國軍樓中有刻漏皇朝慶祿年太守王周重修是時王文公安石爲鄞宰嘗銘之其後歲久差舛不可信紹興辛巳太守韓公仲通訪得吳人祝岷考古制冶銅爲蓮漏至今用之有記刻于石簽判許克昌文也

祠廟三

靈應廟卽鮑郎祠也舊云永泰王廟在州南二里半按輿地志云鮑郎名蓋後漢鄆邑人爲縣吏縣嘗俾捧牒入京畱家酣飲踰月不行縣方詰責已而得報章果上達審究實然旣死葬三十年忽夢謂妻曰吾當更生盍開吾冢妻疑不信再夢如初乃發棺其尸儼然如生第無氣息耳冥器完潔若日用者冢之四旁燈然不滅膏亦不銷郡人衆觀咸怪神之立祠以祀梁大通間有奴賊名益誕唱誘羣盜有衆三千號奴抄兵寇會稽永嘉臨海海鹽並海郡邑咸被其害官軍屢邀擊不勝賊勢益張定襄侯蕭祗爲刺史神忽

乾道一

五

煙嶼樓校本

見形因巫語祗願助討賊祗乃施帷帳迎神置于譙門形雖隱而言與人接越三日告去語祗曰當以八月十三日破賊奴抄果以是日至餘姚舟膠於江衆陷於淖潰潰如醉官軍悉繫縛之若拾遺然祗奏其異武帝遣增大祠宇日以益盛唐聖厯二年縣令柳惠古徙祠于縣會昌中刺史張次宗嘗撰記皇朝崇寧二年尙書豐稷奏明州鮑君永泰王廟額犯哲宗皇帝陵名乞改額內永泰二字爲靈應勅如其請政和八年太守徽猷閣待制樓昇以雨暘順時有禱輒應奏請王爵加惠濟王宣和四年太守直龍圖閣李

友聞因睦寇竊發驚擾鄰邦本州終獲保全繫王之功奏請加封於是加威烈二字又至六年侍郎路允迪使高麗舟船安濟奏請再加忠嘉二字建炎四年車駕巡幸奉勅加廣靈二字今稱靈應忠嘉威烈惠濟廣靈王

純孝廟東漢孝子董君祠也在州東南五十五步唐大厯十二年立刺史崔殷爲之記徐浩書君名黯其孝行之大已見于徐浩所書之碑今祠宇卽其故宅先是其母塑像在南郭外草堂中康憲錢公億因訪問而知之迺迎歸孝子廟以伸崇奉且具其事實請于

乾道一

六

煙嶼樓校本

朝乞加廟額於是勅封爲純德微君之廟也徐浩所書碑蓋郡中之寶也今舊石不存獨簽判韓嘉重刊石在廟中耳

伏飛廟在州北一里二百步鹽倉之西昔有碑今亡故神之姓氏邑里無傳焉淮南子云荆有伏非得寶劍於干隊還及渡江中流暴風揚波兩蛟夾繞其舟伏非謂柁艫者曰嘗有如此者而得活乎曰未嘗見也於是伏非瞋目勃然攘臂拔劍曰武士可以仁義說也不可劫而奪之此江中之腐肉朽骨棄劍而已余又奚愛焉赴江刺蛟遂斷其頭舟中人盡活風波畢